



17760

kat.komp.

I

Mag. St. Dr.

P

Caelestinus.


M. A. C., Jllmo ac Rmo D. Ludovico Cae-  
lestino Dydzinski - aureola theologi-  
ci honoris collata solenni ritu.

PANEC. et VITAE

Polon. 4.

No. 178.







ILLUSTRISSIMO ac REVERENDISSIMO DOMINO  
LUDOVICO CÆLESTINO

*Gozdawa de Mnin*

D Y D Z I N S K I

U. J. DOCTORI, S. Th. LICENTIATO, Divina Vocatione  
ABBATI Trocensi, Congregationis Benedictino-Polonæ  
per Majorem & Minorem Poloniam atque M. D. L.  
VISITATORI Primo, Piosunensi PRÆPOSITO.

*Aureola Theologici honoris collata solenni ritu*

à PERILLUSTRI ac REVERENDISSIMO DOMINO  
D. M. JOSEPHO ALOYSIO PUTANOWICZ,

S. Th. DOCTORE & PROFESSORE, CANONICO Cathedra-  
drali Plocensi, Collegiatae SS. OO. PRÆPOSITO,  
Præcelsi Collegii PRÆFECTORUM Institutioni Autho-  
ritate, Collegii Theologici interea PRÆSIDE.

*Annò Domini 1780. die 10. 8bris.*

---

C R A C O V I Æ

TYPIS UNIVERSITATIS.



In Stemma Gentilitium

**GOZDAWA**

Jaſcent Pæſtani pulcherrima lilia campi,

Hesperidum tellus tollat in aſtra, ſua.

At Tua, quæ pietas, virtus quæ nutrit ipſa,

Nonniſi ſiderei ſeminis eſſe queunt.

BIBLIOTH. UNIV.



JAGELLONICAE

17760 I





Soiennis hic sacrae inaugurationis dies. VIR  
PRÆSTANTISSIME, quo nobilissimo! doctoris  
Theologi honore exornaris, tantò illu-  
strior summæ annorum Tuorum acce-  
dere debet ac jucundior: quantò hodie  
uberius, Supremi Litteraturæ Magistratûs cura Pater-  
naquæ sollicitudine, in hac Generali Regni Schola lux lit-  
terarum effulget, jamquæ recens in exteras fun-  
ditur nationes. Nam si sacrae nomen Theologiæ  
semper augustum fuit ac venerabile: tum verò hoc  
potissimum tempore, quo primariorum Reipublicæ  
Litterariæ Procærum consilia eò unicè conspirant; ut  
qui abdita illa retrusaquæ scientiarum evolvunt my-  
steria, liberalem dent operam, & eò semper artem  
manumquæ quàm studiosissimè dirigant, unde tam-  
splendor ad honestandam Rempublicam pulcherrimus,  
quàm fructus ad vitam beatam uberrimi possint re-  
dundare. Æternùm proinde vivet semper suspicienda,  
semper per calamos & per ora Virorum itura STA-  
NISLAI AUGUSTI Sapientia, Qui ut Regnum Re-  
gniquæ sui Provincias efficiat florentissimas, non so-  
lùm Artium studiis vitam quandam spiritumquæ no-  
vum tribuit; verùm etiam Publicum in Regno Rei  
Litterariæ Magistratum creavit, cujus sollicita Pro-  
videntia per universum Regnum diffusa quiddam sin-  
gulare ac Divinum ad immortalem Reipublicæ com-  
mendationem molitur.



Omnes quidem Civitates eò ferè aspirare videntur, ut suis partibus numerisque expletum consequantur felicitatem: quam tamen haud illas posse consequi tutò quisque pronuntiaverit; nisi ab illa Divina scientia; quæ necessaria ab arbitrariis, splendida ab abjectis, præjudicata à sanis secernit: quæ insulas plebis opiniones eripiens superstitionem in Religione tollit: quæ corda mutuo amoris foedere vinciens Cives Reipublicæ Christianæ optimos, optimos Patres, Filiosquæ creat optimos; nisi inquam ab illa robur ac firmamentum accedat. Istud profectò præsidii Sacra Theologia è purissimis Divinarum Litterarum fontibus hausta oraculis Conciliorum Sanctorumquæ Patrum firmata suppeditat: quæ ipsius Divinitatis agens interpretem rerum cælestium porrigit fructus: cujus salutaribus armis cùm errorum monstra confodiantur; tum religionum multitudo ad unum eumquæ illibatum Dei cultum, ad una eademquæ sacra & cœremonias revocatur. Quid ergo illà præstantius? quid Orthodoxæ Religioni utilius?

Cùm ex virtutibus, quæ omnem humanam societatem sartam tectamquæ conservant, Religio princeps esse judicetur: id ea potissimum de causa, tum, quòd homines illa virtus facilitatem atquæ mansuetudinem condocafaciat, tum, quòd in ea justitiæ parte, quæ Deo debitum persolvit, versari censeatur. Cæterum, nisi cautum fit, ut non modo cultus atque officium sempiternæ Illi Naturæ tribuatur, pius Ejusdem injiciatur metus, aræ, sacra, cœremoniæ constituantur; sed etiam ut doctrinæ beneficiò cognoscatur impensius, quæ sit Deo vis & excellentia, quæ attributiones ac tituli, quæ sacrorum ac Religionis



gionis ad Eum ritè colendum ratio postuletur: nisi denique videatur, ut sit in his Civium omnium una & quidem summa animorum voluntatūque consensio; nihil profectò invenies, quòd esse possit validius ad omnem hominum cœtum labefactandum. Nunquam enim tanta mortis subeundæ contentio, quàm cum Religio in discrimen adducitur; nulla tam diuturna tamquē affectata odia, quàm quæ Religionis amore varietateque suscipiuntur.

Quantum igitur de Republica mereantur illi, qui firmissima suppeditant præsidia non solum ad evellenda pravae cupidinis, superstitionum errorumque elementa, verum etiam ad hominum animos pietatis officio, vinculo charitatis, communioneque sacrorum conglutinandos; truncus stipesque sit, qui non intelligat. Nam, quæ scientia, antegressa ætate Dei Naturam patefecisset: quis immutabilem Illam Mentem animò percepisset unquam, æternam, absolutam, ab omni compositione sejunctam, omnia suo imperio moventem & gubernantem, è nihilo omnia excitantem; Illum inquam, Qui tam operosam ac variam molem digitis fulcit, nutu temperat, voluntate moderatur: Qui naturam & vim, Qui motum & spiritum impertitur omnibus; nisi in tanta rerum obscuritate tantisque tenebris lumen Theologorum affluisset? In Republica certè Orthodoxa; cui recondita quædam ac inaudita ipse per se demonstravit Deus ac retextit: quis tandem esset, qui sectas, qui opinionum varietates tollere posset; nisi cælestis Theologorum doctrina extitisset, qui cum Dei scientia sint imbuti, & rationes longinqua commentatione didicerunt: quamobrem, & quomodo cultus & veneratio



ratio Numini debeatur; Gentes rudes ac barbaras, longè latèquè sepositas sublimi doctrinæ genere ad Divinam Naturam ritè castèquè venerandam informarunt?

Emergunt continuo è latibulis & popinis præstigiatores, qui, ut sunt ingenio vafro & ad omnem, temeritatem projecto, primum Sophistarum ludibriis illiteratam plebeculam ac infirmam: deinde etiam eos, qui melius videre existimantur, ad novas religionum hæreses inducunt, largam ineptarum opinionum faciunt sementem, & venenum pro dulcissimo antidoto propinant. At exoriantur etiam singulari Dei Immortalis beneficio clarissima Theologorum, Lumina, quorum sedulâ operâ perversitatis semina extirpantur, & fructus veritatis in cordibus spargitur: curatur virus animum absuomens Divini nectaris suavitate, ac proseminata nova superstitio, quæ ab avita puraquè pietate plurimorum judicia distraxit, in suis quodammodo incunabulis suffocatur.

Duplicem hominis vitam fecere Platonicæ: unam, quæ corporis animiquè conjunctione contineretur ac societate; alteram, quæ sub oculos non caderet, & tota esset in virtutibus animi usquè aded posita, ut eum hac ratione vivum duntaxat existimarent, cujus animus sapientiâ foret & virtutibus informatus.

Utraque hæc vita corporis videlicet & mentis, quomodo sobriè sanctèquè instituenda & ad unguem castiganda, præclarè docet Theologia: dum, quid sibi quid Concivibus, quid Patriæ, quid Deo debeat homo præscribit amplissimè; dum nos subinde instruit & vehementer hortatur, ut socialitatis jura colamus, ut animum tenerum adhuc parumquè rectè tenacem, habea-



habeamus semper in officio, cupiditates assidue ac continenter premamus debilemus iram, cohibeamus audaciam omnem affectionem aberrantem à recto intra rationis & justitiæ limites contineamus.

Profecto sacræ huic scientiæ infinita propemodum in acceptis sunt referenda in Religionem emolumenta. Illius disciplina peperit justissimos Christianæ Reipublicæ Cives, qui se non tam sibi, quàm humano generi natos rati, cum ea, quæ Dei sunt, ad pulvisculum usque reddidissent Deo, summos, nobiles, infimos: homines universos, ignotos ac barbaros monitis, cohortationibus, omni officiorum genere amplexi sunt, & singulari charitatis studio exceperunt. Illa educavit moderatissimos Viros, plenos pudoris & sanctimoniam, qui non modò vulgares corporis voluptates abiecerunt, sed ipsas prope voluptatum fibras, hoc est, multiplices illas exultantis animi cupiditates penitus extirparunt. Ex illius castris prodierunt fortissimi Propugnatores, qui Rem Christianam in periculum adductam, & Christi Regnum convelli intuiti, non dubitarunt certissimo cum vitæ discrimine & sui profusione sanguinis, Religionis sacrosanctæ terminos amplificare.

Cum affectus in potestate atque officio habiti pro armis sunt, ut ait Philosophus, & præsidio: tum si deficiant à ratione & repugula juris effringant, parere nesciunt, imperium detestant, principem rationem hostiliter invadunt, cujus non præceptum, modò complecti, sed nutum respicere debuissent. At verò, sola saluberrima Theologiæ arma hostes suos & excursores compescunt, his sola debellant: illas inquam obstreperantes inconditi animi commotiones cohibent, & intestinam perturbationem componendo



nendoseditionem, pacemtranquillitatemquéméntis re-  
stituunt. Ne multa: in augustissimis Theologiæ adytis  
patent beatæ vitæ præcepta, ubi non solùm ea, quæ  
religiosas humani confortii sanctiones edoceant, sed  
etiam, quæ ad cælestem Patriam iter patefaciant,  
suavissimè delibantur.

Intelligis, suspicor, DOCTOR Cl. quò isthæc Sacra  
Theologiæ laudatio collineet: si nempe in memo-  
riam revocare velis, quæ Te virtutum meritorumquæ  
circumstent ornamenta. Atque, ut taceam illam  
fortunæ dotem, qua cæteri insolentiùs gloriantur,  
suamquæ in Atavorum Ceris, in plenis illustri genti-  
litate fastis collocant virtutem; id tamen silentiò  
premere non debeo, Te acceptam à Majoribus no-  
bilitatem egregiis virtutibùs amplificasse: quippe  
qui ad solidam laudem plurimùm valere reputas, &  
hæreditaria præclarè, & partâ propriaquæ luce splen-  
dere honorificè.

Quòd si verò nullam, ut fert Tua modestia, illu-  
strium Tuarum virtutum commendationem facere  
vellem: omnem profectò in me humanitatis sensum  
extirpare viderer, justamquæ convitii notam mihi  
inurendam sperarem; cùm quivis in eam abeat sen-  
tentiam: honoribus tantis, quantis jam adauctus es,  
& usque exornaris amplissimè, quiquæ gravissimorum  
solent esse pretium fructusquæ laborum, debitum  
suum esse omnino persolvendum.

Nemo facilè ad honorum apicem eluctari po-  
test, quin eum virtutum meritorumquæ splendor pro-  
ximo continenter passu comitetur. At enim, quis  
Tuam prudentiam, mansuetudinem, benignitatem  
cæteraquæ pii & moderati animi non novit lumina,  
quæ



græ & omnium suffragia mereretur, & omnium,  
amabilitate sua, corda devinciunt & oblectant?  
Hanc dulcissimam morum integritatem suspexit in  
Te VIR ILLE ILLUSTRISSIMUS ABBAS TYNE-  
CENSIS, litterarum virtutisque honor, AMANDUS  
JANOVSCIUS, qui Te non solum in studiorum suo-  
rum consuetudinem recepit & impensè amavit, amatque  
torupletissimè: sed etiam nobilissimis esse dignum  
honoribus judicavit.

Nuper PRIOR Tyneensis, & nunc communibus  
votis & suffragiis Sacræ Congregationis Benedictinæ  
nuncupatus ABBAS Trocensis, per Majorem & Mi-  
norem Poloniam atque M. D. L. VISITATOR Pri-  
mus, ac Piosunenſis PRÆPOSITUS, quid non mo-  
liebâris, & non moliris? quas curas animò non ver-  
sas? Unicè Tibi cordi est inter Tuos legis obser-  
vantiam stabilire, illosque ad studium sanctitatis ve-  
hementius inflammare, morum puritatem in sum-  
mum gradum evehere; si qui à recti tramite disces-  
serint, in planum revocare; si qui vel levissimi navi  
irreperint, eossem placidissimè resecare, illibatæ  
purissimæque vitæ semen inferere, Teque Ipsum  
pulcherriarum virtutum exhibere exemplar.

Hæc dum pronuntio, verèor quidem, ne apud  
Te Virum modestissimum hac prædicatione subossen-  
dam; at quantumvis ego tacerem, loquetur tamen  
vox publica: loquetur Tuum in Superos amorem,  
Divini cultus propagationem, liberalitatem Tuam  
Monasterium Trocense ejusdemque Sacra Ædes,  
quæ recens è suis surgentia fundamentis, Tua cura  
impendio & sollicitudine excitantur; monumentum  
Tuae pietatis futura immortale.



Rarum, quod ajunt, solet esse virtutis cum sapientia commercium: utraque tamen in Te sociata foedere, fixam apud Te posuit domicilium. Non Te sapientia fecit elatum, cæteros alto supercilio despicientem tumidum, verum hæc illecebris & dulcedine virtutis temperata summis carum præstitit & infimis. Profectò, sublimis illa eruditio, quam, dum sex annorum curriculò in TYNIE acutissimi Philosophi, sex itidem in TYNIEC & TROKI docti & probi Theologi partes explores, quam, inquam, cumulatifsimè in alios sparsisti, illiusquè in publicis clarissimorum Virorum confessibus & concertationibus plena admirationis reliquisti monumenta: quantum plausum, approbationem quantam, quanta Tibi pepererit omnium suffragia, recens adhuc rumor testatur & duraturus testabitur. Erant in Theologicis rebus quæstiones arduæ nodique, ut ita loquar, difficiles ac complicati, quos solvere non possent, nisi exercitatissimi Viri & solertissimi: solvisti. Erant loci argumentorum, & arcana in oraculis illis rerumquè sacrarum paginis obscurissima, quæ subtilissima quandoque fallunt ingenia: ea scrutando es feliciter affectus. Verbò: ea subtili acumine complexus es, quæ & Viri Theologi elevarent gloriam, & insignem Tibi apud primæ notæ eruditionis Viros commendationem conciliarent.

His pro ro aliisque præclarè gestis ornatus, illustre Tibi à genere, illustrius ab eruditione, illustrissimum à meritorum præstantia vitæquè moderatione comparasti nomen, quod etiam majoribus in dies ac majoribus non desinis ampliare virtutum incrementis. Jure igitur gaudere debet plurimumquè lætari Consobri-



sobrinus Tuus *Reverendissimus Dominus JOSEPHUS  
PUTANOWICZ*, hujus Theologici Collegii PRÆSES  
hac perampla meritorum Tuorum fama, quæ per  
Te aucta & uberrimè diffusa Illius pariter gloriæ  
imponit fastigium; ita tamen imponit, ut ab alterius  
lumine meritorum, lumen alterius accendatur: utri-  
usque verò augeatur felicissimè.

Ac denique, ne nimix exaggerationis reus esse  
arguar, modum orationi meæ ea lege statuo, ut cæ-  
teris, religiosa Tua facinora nobilissimaquæ anim  
ornamenta posteritati consignaturis, plura comme-  
moranda relinquam. Ego verò præter Piam candi-  
dissimæ voluntatis significationem, nihil amplius adjici-  
cam, quàm ut Te *ILLUSTRISIME ABBAS  
DEUS Optimus Maximus* Litteris, Tuoquæ Sacerrimo  
Ordini salvum & incolumem conservet.

*Detquæ Tibi vires vegetas, viridemquæ senectam:  
Quamquæ Tibi tribuit fortunam, donet eâdem  
Posse frui: Nomenquæ Tuum vehat alma per orbem  
Fama; & percelerem metuens dissolvere pennam  
Te clarum meritâs, claris virtutibus auctum  
Prædicet; atque Tuis complendo laudibus oras  
Sepositas, Te Te transcribat in acta Dæorum.  
Hoc Tibi præfagit lambens Tua tempora laurus:  
Præscia venturi caelestia pectora Vatum  
Hoc spondent: ita sentit amans, sic sentit honorans.*



# Rectoratu Magnifici


PERILLUSTRIS & REVERENDISSIMI DOMINI  
D. M. ANTONII ZOŁĘDZIOWSKI,

Utriusque Juris & Sacrae Theologiae DOCTORIS &  
PROFESSORIS, Ecclesiarum; Cathedralis Cracovien-  
sis CANONICI, Collegiatae Vislicienfis SCHOLA-  
STICI, Facultatum Theologiae, Medicæ, & Philo-  
sophicæ PROCANCELLARI.





Biblioteka Jagiellońska



stdr0008763



